



Сулейман-Стальский райондин общественно-политический газет
1931-йисалай акъатзава

КУЪРЕДИН ХАБАРАР

№1 (26527)

Жуьмя, 6-январь, 2023-йис
Газет гьафтада садра акъатзава.
Маса гунин кьимет азадди я

«Сулейман-Стальский район» муниципальный райондин Къил С. М. Темирханован ЦИЙИ ЙИСАН ТЕБРИК



Играми районэглияр! Вири россиявйири хьиз, чи райондин агъалийрини алуькнавай ЦИЙИ 2023-йис кьаршиламишнава. Адет хьанвайвал, алатнавай вахтуниз вил вегьин хьувуналди, чна алатнавай йисан вакъиаяр рикел хкизва, авунвай крариз кьимет гузва, са гафуналди, авур кваллахрин нетижаяр къазва, идахь галаз санал, гележегда вилик цийи везифаяр эцигзава,

абур кьилиз акъуддай рекьер аннамишзава.

Алатнавай йисуз, Украинада кьиле физвай женгинин гьерекаври хейлин четинвилер арадал гьанатлани, санлай къачурла, Россия, Дагъустан патал хьиз, район патални активдаказ яратмишунрин кваллахдал машгул хьайи, хьсанвилихьди еке дегишвилер кьиле фейи йис хьана. Алатнавай йисуз чалай районда общественно-политический гьалар мягкемариз, социальный, экономикадин асул рекьерай вилик финин еришар хьсанариз алакьна.

Играми районэглияр! Заз райондин хушбахтвал патал чугунвай яратмишунрин зегьметдай кьез риклин сидкьидай чухсагъул лугъуз кланзава.

Чун район вилик тухунин программа уьмуьрдиз кечирмишунин эгечнава. И программади районэглийрин гьал-агьвал хейлин хьсанарун лазим я. Чахь район мадни виниз тир дережайриз хкаждай, агъалийрин яшайиш, дуланажагьдин шартлар хьсанардай бес къадардин мумкинвилер ава. Виридан умуми чалишмишвилералди куьне райондин экономика



мягкемаруник лайихлу пай кутайдал са шакни алач.

Кьез ЦИЙИ йис мубаракрай!

Къуй районэглийрин гьар са хизанда, районда ва Россияда ислягьвал, берекат, хушбахтвал хьурай!

ЦИЙИ ЙИСАН ТЕБРИКАР

Гъурметлу Сулейман-Стальский райондин агъалияр!

Заз кьез алуькнавай ЦИЙИ 2023-йис риклин сидкьидай мубаракзава!

Заз зи район, зи хайи ерияр, жуван бубалух багъа я, клан я. Зи райондизни ЦИЙИ йис атанва. За Аллагьдивай тлалабзава, вири дуьньядиз, Россиядин Федерациядиз, Дагъустан Республикадиз ва зи райондиз вири хьсанвилер, экуь бахтар, хушбахтвал хьурай!

Къуй ЦИЙИ йисуз куьн риклера авай вири хьсан мурадрикхь агакьрай! Дуьнья ислягь, квалера бахт, берекат, мублагьвал хьурай!

И. М. Яралиев, ДР-дин Халкъдин Собранидин депутат

Играми ва азиз тир Сулейман-Стальский райондин агъалияр!

Ингье мад са йис тарихдиз фена, 2023-йис алуькнава. Адет яз, са къадар мензилдиз фейила элкьвена кьулухъ килиг хьийида, алакьай крар-кваллахар веревирд ийида. Алатай йис чи хайи район патал агалкъунринди хьана, районда яшайишдин, экономикадин, культурадин, образованидин ва маса хилерай гзаф кваллахар авуна, район мягкем, агъалийрин яшайишдин дережа хьсан хьана. Дамахдай крар-кваллахарни тлимил хьанач.

Зун мадни а кардикхь инанмиш я хьи, алуькнавай 2023-йисни район, адан агъалияр патал хьсанди, агалкъунринди жеда. И кар патал чахь вири жуьредин мумкинвилер, кутугай шартларни ава.

За жуван багъри райондин вири агъалийриз алуькнавай ЦИЙИ йис риклин сидкьидай мубаракзава.

Чи халкъдин гележегдин гьакьиндай кьайгьударвал ийизвайбурун жергеяр мадни артух хьурай!

Н. Ш. Абдулмуталибов, ДР-дин Гьукуматдин Председателдин заместитель



ДР-дин МЧС-дин патай – ЦИЙИ ЙИСАН САВКЪАТАР

Ватанпересвал, жуьрэтлувал, кьегьалвал, Ватандин вилик буржи, игитвал... 2022-йисан 24-февралдиз Россиядин Яракьлу Къуватри Украинада военный махсус серенжем (СВО) башламишайдалай инихъ и гафар инсанри мукьвал-мукьвал эзберзава, абур информациядин массовый такьатрани мягкемдаказ чка кьунва. Им теби карни я: вишералди офицерри, аскерри, контрактникри СВО-да иштиракзава, ана ватанпересвал, жуьрэтлувал кьалурзава.

Федеральный, региондин ва муниципальный дережайра СВО-дин иштиракчийрин, абурун хизанрин, багърийрин гьакьиндай гьукуматдин властдин органри ийизвай кьайгьударвал, гузвай куьмекарни тлимил туш. Абурукай чна газетдин гьар са нумрада макъалаяр гузва.

ЦИЙИ 2023-йисан суварин вилик, 28-декабрдиз, чи райондай фена СВО-да иштиракзавай са шумуд касдин аялрив Дагъустан Республикадин МЧС-дин (къетлен гьаларин министерство) патай савкъатар агакьна. ИкI, республикадин МЧС-дин министрдин заместитель Надим Велиханова, Сулейман-Стальский райондин Къил Саид Темирханова Кварчагъай тир Абдулаким Насрединован, Экендилай тир Шагьлар Мегьамедалиеван, Мамед Мамедован, Нуьцлугъай тир Ферзилагь Мегьамедован ва Садрудин Халелфонован хизанра авай 11 аялдив



МЧС-дин патай ЦИЙИ йисан савкъатар авай пакетар вахкана.

МЧС-дин министрдин заместитель Надим Велиханова военный махсус серенжемдин иштиракчийрин хизанриз ДР-дин Къил Сергей Меликован, Гьукуматдин Председатель Абдулмуслим Абдулмуслимован, МЧС-дин министр Нариман Къазимегьамедован ва вичин патай ЦИЙИ йис мубаракна, махсус серенжемдин иштиракчийрин ва абурун хизанрин гьакьиндай гьукуматди ийизвай кьайгьударвиликай лагъана, абурун дерди-бала хабар кьуна.

Военный махсус серенжемдин иштиракчийрин хизанриз ЦИЙИ йис райондин Къил Саид Темирхановани мубаракна. Ада лагъайвал, райондайни СВО-да цудралди кьегьалри иштиракзава, ана жуьрэтлувилер кьалурунай са шумуд кас РФ-дин Президентдин Указдалди орденризни

медалриз лайихлу хьанва.

Кварчагъа кардик квай МЧС-дин пожарный частунин работникриз ЦИЙИ йисан сувар мубарак авурдалай гуьгьуьнлиз ДР-дин МЧС-дин министрдин заместитель Надим Велиханов ва райондин Къил Саид Темирханован ЦИЙИ Макъарал фена, и хуьруьн поселенидай СВО-да иштиракзавай кьегьалрин аялрив вахкун патал АСП-дин кьил Асамудин Къазиагьмедован ЦИЙИ йисан савкъатар авай пакетар вугана. Лагъана кланда, ДР-дин МЧС-дин министрдин заместитель Надим Велихановахъ ва райондин Къил Саид Темирхановахъ галаз санал Кварчагъарин ва Нуьцлугъарин хуьрерай тир военный махсус серенжемдин 5 иштиракчидин аялрив ЦИЙИ йисан савкъатар Кварчагъарин АСП-дин кьил Завидин Загьирбековани вахкана.

Хазран Къасумов

Ватанпересвал

Ветерандихъ галаз гуьруьш

Цийи йисан суварин вилик квай йикъара райондин администрацияда женгинин гьерекатрин ветеран къасумхуьруьнви Нариман Бабаевахъ галаз гуьруьш кыле фена. И кардик кыл кутурди набут касдиз материальный жигъетдай куьмек гайи мергъеметлувилин «Умуд» фонд я.

Къейд ийиз Кланзава хьи, Нариман Бабаева (адахъ краповый берет ава) махсус подразделенидин составда аваз Чечняда международный бандитрин дестейрихъ галаз кыле фейи женгинин гьерекатра иштиракна. Женгера хъайи залан хирер сеbeb яз 2003-йисуз Нариманакый 1-группадин инвалид хъана. Ватандин вилик къалурай кьегъалвилерай Н. Бабаеваз «Мужество» орден гана.

Ватандиз вафалуодакъ къуллугъ авунай райондин Кыл Саид Темирханова республикадин руководстводин, ДР-



дин Халкъдин Собранидин депутат Имам Музамудинович Яралиеван, райадминистрациядин тварунихъай Н. Бабаеваз

чухсагуьл лагъана, адан аялрив Цийи йисан савкъатарни агакъарна.

Х. Гъажибалаев

«Жуьрэтлувиляй» орденар багърийрив вахкана

И йикъара райадминистрацияда муниципальный райондин Кыл Саид Темирханова, Сулейман-Стальский ва Къурагъ районрин уртах военный комиссар Рейзудин Женетова Украинада кыле физвай серенжемда телеф хъайи кьегъалрин диде-бубайрив «Жуьрэтлувиляй» орденар вахкана.

Алукъзавай Цийи йисан вилик Украинада кыле физвай махсус серенжемда иштиракзавай аскерар патал чи районда кардик квай #МыВместе ватанпересвиллин проектдин бинедаллаз мергъеметлувилин акция кыле фена. Акцияда муниципальный райондин администрацияда, школьни-

«Жуьрэтлувиляй» орденар майдин вацра телеф хъайи АгъастГал-Къазмайрилай тир Руслан Абасован ва сентябрдин вацра телеф хъайи къасумхуьруьнви ефрейтор Тимур Гъасанагъаеван багърийрив вахкана. Гуьруьшдин иштиракчияр ватан патал чан гайи кьегъалрин лайих-

лувилерикай рахана, абуруз регъмет гъана ва хизанриз, багърийриз мад сеферда башсагълугъвал гана. Къейд авун лазим я, кьегъалрин тварар неслрин риклера эбеди яз амукуьн патал абуру келай школайра рикел хуьнин къулар ачухна.

Лена Саидова

Аскерриз посылкаяр рекъе туна

кри, волонтеррин дестейри, Къасумхуьруьн 3-нумрадин аялрин бахчади иштиракна. Абуру аскерриз дарманар, недай жуьреба-жуьре суьрсатар, парталар, мергъеметлувилин «Умуд» фондунин патай военный экипировкадин (аму-

ниция) комплектар, санлай къачурла 50-далай виниз посылкаяр рекъе туна. Аялри посылкайра хуш келимайрин чарар туна. Республикадин пунктунай гуманитариядин пар СВО-дин зонадиз агакъада.

Лена Саидова

Цийи йисан суварин открыткайрин акция

Цийи йисан суварин вилик «Виридалайни гуьрчег Цийи йисан суварин октрытка ватан хуьзвай аскердин хизандиз» твар алай республикадин акциядин сергъятра аваз, райондин школайра открыткаяр гъазурунин мярекат кыле фена. Шоколада келзавай аялри открыткайрал гуьрчег гъилин шикилар чгуьна ва хуш келимайрни кхъена. Открыткаяр райондин комиссариатдиз вахканна ва анай абур чпин адресатрал агакъарда.

Лена Саидова



Украинада кыле физвай махсус серенжемда иштиракзавай стхяр тир Раидин ва Жамалдин Агъашириноврин меслятдалди Герейханован хуьруьн администрацияда Запорожьедин областда яшамыш жезвай аялриз гуманитарный куьмек рекъе туна.

И акцияда Герейханован хуьруьн Р. Османован тварунихъ галай 1-нумрадин СОШ-дин коллективди ва хуьруьн агъалийри иштиракна.

Запорожьедин областда яшамыш жезвай аялриз чими парталар, кВачин къапар, концелярский шейэр ва ширинлухар тунвай посылкаяр Каспийск шегъердин ВМФ-дин базадиз Агъаширинов Зейнудина агакъарна.

Россиядин военно-морской флотда къуллугъзавай Агъаширинов Раидина махсус серенжем башламышай сифте йикъарилай ана иштиракзава.

С В О - д и н иштиракчи тир адан гъвечли стха Жамалдинал Донецк шегъердин пагав са женгина хер хъана, алай вахтунда Москва шегъердин госпиталда ава.

Чна умудзава хьи, лугъзува акциядин иштиракчийри,



Цийи йисан суварин йикъара посылкайри аялрик шадвал, мергъеметлувал кутада ва абур экуь жележег къведайдахъ инанмиш жеда.

С. Баламетова

Райондин Кыл – водопроводдин къурулушдал



Цийи йисан суварин вилик квай йикъара райондин Кыл Саид Темирханов республикадин инвестициярин программадай эцигна саки акъалтГарнавай «Сардаркент-Даркуш-Казмаляр» магистральный водопроводдал (турбайра аваз яд тухузвай чкадал), Сардархуьруьн кылихъ эцигнавай хъвадай яд михьи ийидай тадаракрал, Векъелрин хуьруьн кВанихъай яд къачузвай чкадал фена, анра авай гъаларихъ галаз нубатдин сеферда таниш хъана.

Райондин Кыл Саид Темирхановахъ депутатрин Собранидин председатель Штибег Мегъамедханов, райадминистрациядин Кылин заместитель Эльдар Рустамов, УМИЗ-дин директор Назир Гъасанов, са бязи хуьрерин поселенийрин администрациярин кылер, райондин Инфромагентстводин векилар галай.

Райондин администрациядин талукъ къуллугърин руководителри ва чкадал алай пешекарри райондин Кыл Саид Темирханов Сардархуьруьн кылихъ эцигнавай хъвадай яд михьи ийидай тадаракрин (объектдин), санлай водопроводдин кВалахдихъ галаз танишарна.

Лагъана кВанда, «Сардаркент-Даркуш-Казмаляр» магистральный водоводдихъ район яшайишдинни экономикадин рекъерай вилик тухунин жигъетдай еке метлеб ава. ГъикI лагъайтIа, водопровод тамамвилелди кардик акатайла ада райондин 90 процент агъалияр хъвадай хъсан еридин ва михьи целди таъминарда. Идалайни гъейри, водоводди 2500 гектардин майданар цик кутадай мумкинвални гузва.

Водопроводай Къасумхуьруьн агъалийриз хъвадай яд гузва. Кура-кура михьи ва хъсан еридин хъвадай яд райондин маса хуьреривни агакъада. И кар патал тайин кВалах тухузва.

Санлай къачурла, райондин Кыл Саид Темирханов ва райадминистрациядин жавабдар работникар «Сардаркент-Даркуш-Казмаляр» магистральный водопроводдал, хъвадай яд михьи ийидай тадаракрал (объектдал) тамамарнавай кВалахрилай ва анагар авай гъалдилай рази яз амукуьна.

Текст кхъейди ва шикил ягъайди Хазран Къасумов я

Райондин Кылин гуьзчивилик

И йикъара райондин Кыл Саид Темирханов «Модернизация привычного звена здравоохранения» госпрограммадин бинедаллаз эцигнавай сагъламвиллин амбулаториядин кВалахар кыле физвай гъал ахтармишиз КВарчагърин хуьруьз фена. Алай вахтунда дараматда райондин бюджетдин куьмекдалди экверин ва цин линияр тухвана, къенепатарин кВалахар давам жезва. Санлай къачурла, Саид Темирханов объектдал эцигунрин кВалахар кыле тухузвай ерийрилай ва къайдайрилай рази яз амукуьна. Ада поселенидин администрациядин кылиз, УКС-дин начальникдиз дараматдин патав гъвай территория дуюмишунин тапшуругъ гана. Сагъламвиллин дарамат къведай йисуз ишлемишиз вахкун планламышнава.

Лена Саидова

Гуьрметлу районгълияр!

«Касумкентсервис» ООО-дин коллективди кез алукуьнавай Цийи 2023-йис мубаракзава. Куьн кВалера алукуьнавай йисуз сагъламвал, бахтар, шадвал ва михьивал хуьрай.

«Касумкентсервис» ООО-дин руководство

